

# GURASOEN AMAR AGINDUAK

Urte batzuk dirala gertaera xeblere bat jazo zan Londres'en. Gau batean, eskola-maixu bat eta bere andrea oso berandu etxeratu ziran, ziñetik. Euren kuartuan sartu ziranean papeltxo bat topau eben atean orratz bategaz josita. Eta papeltxo aretan idatzita frase au: «Umeok, gurasoak gabaz etxean egon daitezela gura geunke». Ezan besterako be-ta, barre egin eben biak. Urrengo egunetan ez eban iñork aitatu papeltxo a. Baiña joan ziran egunak, eta beste gau batean, barriz papeltxoa, atearen baltzean zulotxu bat balitz lez. Eta bein eta barriz gurasoen konzientziari dei egiten utsen ume arek papeltxoen birtatez.

Aitari, maixua zan da, enkuesta bat egi-tea bururatu yakon. Eta ez bere eskolan bakarrik mundu guztian baiño. Mundu guztiko umeen erantzunak jakin gura ebazan. Eta egin be egin ebazan preguntak papel batean, Inghlaterra, Canada, Inaia, Australia, Ipar-Amerika eta beste leku askotara bialtzeko. Leku orretako maixu guztieri abisau eutzen al eben arduratsuen egiteko: esateko umeri ondo erantzuteko, gizonak lez, egiten ebena guztiz inportantea zala, ta abar.

Olantxe egin eben danak.

Jaso direan erantzunetatik autatuaz-eta, onelako amar agindu onek batu dauz Virine andreak, gurasoentzako. Entzun arduraz; eta ikasi, gurasoak, zeuon umeak emoten deusuezan aginduak.

1.—Jarraibideak, amesak idealak, biztu: Batez be iru urtetik sei urtera arte umeari zer izatea on dan, eta gizon bikaiña, benetako gizona, zelan izaten dan erakutsi bear yako. Umearen biotzean txinpertak dagoz eta putz egiña sua bistu leike.

2.—Bere negarretan lagundu. Eta ez galaso egin gurak leukezan gauzetan. Zazpi urteko umeak pozik atarako leukez platerak, etxea garbitzen lagundu gura dau, eta abar. Eta ez esan iñoiz be: «Zoaz ortik, enbarazu baiño ez dok egiten-eta... dana endredetan dok-eta...»

3.—Gozoak izan beragaz. Bigunkeririk, berekoikeririk, be ez; baiña umeari be errespetau egin bear yako, besteak errespetatzen erakutsi gura badeutsagu. Ume lotsabakoa, geuk alan biziten erakutsi deutsagulako da lotsabako.

4.—Ez asarratu. Noizcan bein bai, ona da asarratzea, baiña ez gelegi.

5.—Bat edo-bat besteak baino maiteago badozue be, ez agertu besteen aurrean. Asarre egitean, gaiñera, begiratu errurik daukoez, eta asarrea naikoa ezpada, jo edo kastigau. Baiña, beti neurriz.

6.—Preparatu. Ezkondu aurretik ikuzelan portau bear zareen eta ez iñoiz be atutu.

7.—Ez gogorregi izan. Umea ume da, eta zeozer be umeak lez egingo dau. Zuzendu bai, baiña ez eskatu ezin leikeana, mutilla balitz lez.

8.—Egia esan, beti. Guzurretan asten dan umeak edozer gauza egin leike. Eta itauntzen, preguntetan, deutsuen danari erantzun, alan ikasten dabe umeak eta. Gurasoak izan bear dabe umearen lenengo maixuak.

9.—Gurasoak beti bat izango dira. Aitak agintzen dabenari amak ezezkoa emoten badeutso, edo amak kastigatuari aitak parkatzen badeutso, umeak barre egingo dabe laister.

10.—Gurasoen bizikera, ispillua lakoa da umientzako. «Umien zentzuna etxean emtzuna», esaten da. Eta egi-egia, gurasoengan ikusten dabena egin gura izaten dabela umeak. Umien aurrean zagozanean, beintzat kontuz ibilli zeuon berba eta egitetan.

Bete amar agindu onek, eta bercez etorriko yatzue ondorengo ederra semeetan.

*Joxe Azurmendi*

*lenengo orritik dator*

geldirik egongo ete da? Ezer egin barik geratuko da, erlegiño bako organizaziñoak gauzak euren erara kompontzen dituen bitartean? Ez orixe! Evoluziño onek lenengo pausauk bakarrik emon ditu oraindiño; eta Eleizea sasoi onean dago oraindik, arraintzale mundua Kristorentzat irabazteko.

Orrexetarako batu dira Eibarren Euskal-lerriko Kristiñau Itxas Gastediko militanteak. Eurak dira Eleizearen mandatariaik Eurak eroan bear dabe itxasora Kristoren evangelioa eta Eleizearen dotriñea. Eurak ebatzi bear ditue, Eleizearen izencan, itxasgizonen problema guztiak. Eta orretarako batzandu dira Bizkai-Gipuzkoetako muga erri orre an, alkar eta u u e' o aurrean zelan batera lan egiteko, euskaldun itxasgizonen bizimodu barria mailla guztietan kristiñauki moldatuteko.

*Berriatua*